

مدیرى : ابن السرى
احمد جودت

مؤسسى : ابن السرى
مصطفى نامق

آسيان

أدبى، علمى اخلاقى هفتتلىق مجموعتدر

برنجى جلد

نومرو ۵

برنجى سنه

۱۲ رمضان ۱۳۲۶

۲۵ ايلول ۱۳۲۴

استانبول

محل اداره سى : جفال اوغلندى دائره

مطبعه عامره

۱۳۲۴





« عشاقی زاده خالد ضیا بك افندی به »

— ۱۸ شباط ۳۲۳ —

والله . . . دیوردی . سویله نیچون اویله دورغون دوریورسك؟ . . .
 بو سؤال ؛ کنیش نفسلرله اویویور ظن اولنان بو منور شباط کیچه سنك سکون
 خوابیده ی آراسنده ، نظرلری پنجره نك بر قسیمدن کورونن سمایه مرکوز ،
 ومشكوك بر جرای امید وخولیا تعقیب ایده رك درین بر استغراق ایچنده ،
 روح رقیق نس-وتی تخر ایدیورمش کبی جسمانیتمدن ، بوتون بئلیکندن تجرد
 ایدن ننج قادینك سامعه سننده ، اویقوده ایشیدیلوبده تلقی اولونامایان برصدا قیلندن
 مهمم براهتزاز اویاندرمشدی . . .

وداد بهجت، اونك بو دالغین ومتفكر نظرلرندن بر جواب عشق و تسلیت
 بکله یدرك علاوه ایتدی :

— یوقسه مسعود دکیسك ؟ . . . دیدی .

اوزمان والله، درین براویقودن اویانیر کبی افکارینی بر عزم متین ایله جبر
 ایده رك حقیقته رجوع ایتدی :

— نیچون مسعود اولیمیم بندن حالا شبهه ی ایدیورسك ؟ . . . دیدی .

بو جله یی تلفظ ایده رکن سسنده اویله بر طرز سادگی اهتزاز واردیکه بو،
 هنوز حار و صمیمی بر رابطه عشق و تملك ایله یکدیگرینك اولامامش زوج ایله
 زوجه آراسنده تمامیه آریمه یین بر بوز کتله سنك انتشار هوای باردیله اونلری

بربرلینه قارشى داغما آز چوق يابانجى براقان برمناسبتك روح اشكافى
چيزيوردى ...

وداد بهجت، بونی بیلیر و اونك معنای نگاهنده آن بآن کیزلمک چالیشان
بو حقیقت مکتومه بی قلبنده الیم برقناعت مأیوسه سودا ایله حس ایده ردی .
اونك بر ثانیه انعطاف ایدن نظر لرلنده؛ بعضاً بر جبر اراده ایله اظهارینه غیرت
ایدیلن صوقوغلانقلرلنده اوله آشکار برطور التزام وجعلیت فرق ایدیلردیکه دلیقانی
درحال بونی کشف ایتمکه کوچك چکمز واو دقیقه ده قلبنده هنوز تسکین
ایدلمه مش بر مسهوفیت شدید غرامک آتش خسرانیه ضیرلایان حساس بردامارک
قوپدیفی دویاردی . بونکله برابر، بوقناعت پک چوق دوام ایتمز و برآز صوکرا
انسانلرک فلاکتله قارشى مقولومتلری تحت تأینه آلان براحتیاج امید و تسلیتله
ذهندن بوسید حقیقتلری سيلمک واونلری، روحی موقتاً آلداته بیلن بر کسوة ظن
و اوهام آلتنده تأثیرسز کوسستمک ایچون بردن اوینیویرن بر میل تأویل ایله
تأثراتی تعدیله اوغراشیردی . صوکرا اونك بونشئسز لکرینی ؛ پرستش لرینه
قارشى کوستردیکی لاقیدالکرینی هر حالده ماهیتنی تعیین ایده مدیکی بر سبیه عطف
ایده رک حسیاتنی آلدانیر و بویله جه قلبی کیرن صرارت یأس و تأنری بر درجه
قدر تسکین ایتش اولوردی . بعضاً تأویل کوتورمیه جک وقعهلر ظهور ایده ردی .
اوزمان، یا حس ایتمه مک ایچون کورمه مک چالیشه رق اورادن اوزا قلاشیر یا خود
بردن فوران ایدن بر حساسیت روحیه ایله تطمین ایدلمه مش عشقنک رد اولوغش
آملارینه قلبنده الیم بر جریحه ماتله ساعتلرجه آغلاردی . فقط صوکرا اونك
اوافق بر نظره مؤاخذه سی ؛ تسلیتکار بر ایکی جله سی او دقیقه ایچون اُک اعتماد
اولسه جق بر وثیقه اطمینان تأثیریه اجرای حکم ایدر و بوتون بو بحر انلری ،
مایوسیتلری بر دقیقه ایچنده ازاله ایتش اولوردی ...

آه ، اونی نه قدر سهویوردی !... بونی کندی وجداننه قارشى اعتراف
ایتدکجه فوق البشر برلذت روحیه ایله قلبی چارپار و اونی بتون بوانسانلر ایچنده
شایان پرشتش بولمقن عظیم بر سعادتله محظوظ اولوردی . عجب اوده کندیسنی
سهویورمیدی ؟... ایشته بوندن آمین اولسه ...

فقط بو قابلی ؟... اونی بر زماندن بری بویله متفکر ، دورغون کوردکجه

قلبنده کیتدکجه تأیید ایدن شبهه‌لر زیاده‌شمیور و معنویاتی دوچار هراس ایدن بو احتمال قارش‌سیسنده یأسندن چیلدیرماق ایچون متانتی محافظیه غیرت ایدیوردی ...

اوت ، اونده برقاچ کوندن بری خارق‌العاده برحال وکیل برتأثره دلالت ایدن برنشئه‌سزاک واردی . ادتما دوشونیور و بعضاً ساعتلرجه سویله‌میه‌رک روحسز برهیکل مرکوزیتیه ساکت و بی‌حرکت عین وضعیتده قالیوردی آه ، یاربی ! نیچون ، نیچون بویله ایدی...؟ یوقسه حقیقتاً سه ویلیوردیدی ...؟

وداد بهجت ، بونی دوشوندکجه بیننه هجوم ایدن قورقونج فکرلر آراسنده بوتون وجودی استیلا ایدن بررعشه بحران و تأثرله‌تیریور و اونک طرفندن سه ویلدمک احتمالی بوتون تحمیلوسوز برمأیوسیت عمیقۀ نومیدی ایچنده‌اونی تدهش ایدیوردی . فقط مادامکۀ تأمین ایدیلیور ؛ کیم بیلیر ! بوعادی برتأثر، بلکه‌ده بوسوتون اساسسز برحالت روحیه‌دن عبارت اولابیلیدی . انسانک بعضاً

اوله آنلری اولورکه بلا سبب ، ماهیتی مجهول برحزن غریبانک حس مالایله کندیسنده برمیل سکون و انزوا دویار، بوانسانلری سکوتیلکه سوق ایدن برتأثیر معنویدر . اوله بردماغ بیه حساستیندن برقسمتی غائب‌ایده‌رک تأثیرات خارجیه‌ی اخذ و تلقیده مشکلات چکر . وظن اولورکه قوه خبیله حس ایتمه‌دن یاشیور... والهنک‌ده عین تأثیره معروض اولسی احتمالی یوقیدی ؟.. او‌حاله نیچون شبهه ایتملی ؟... حتی برزماندن بری اونده و داد بهجت قارش غیر قابل انکار بر .

انجذاب واردی‌که‌بونی کندیسیده تصدیق ایدیوردی . فقط تامایله ازاله‌سی ممکن اولمایان بو‌ترددلر بینی‌کیرن بردود معند، تخریب بی انصافیه اوراده التیام‌ناپذیر جریملر آچهرق هویت معنویه‌سنی کوندن‌کونه دوچار ضعف ایدیور . واونی بوتون بو‌تأثیرلره قارشى مقاومتسز براقیوردی ...

اونک بعضاً اوله حساس زمانلری اولوردیکه دلالتسز برمعنای نظراً اوکا بوتون برکیجه‌ی‌شدید بربحران اعصاب ایچنده آغایله‌رق یکیرمک ایچون کفایت ایده‌ردی . اونک کیم بیلیر ؛ عادى برشبهه اوزرینه مأیوسیتلرله ، بحراندلرله اویقوسز کچمش بویله نه‌قدر کیجه‌لری واردی ؟... بو‌ونده عادتاً تداویسی ممکن اولمایان برمرض مزمن عصبی ش‌کننده نمایان اولور . بعضاً کونلرجه دوام ایدن

برجای حسیات ایچنده بوتون وجودینی خرد و خاش ایدەردی... و داد بهجت
ایچون اونك طرفندن سه ویله مك قدر موجب یأس و اندیشه هیچ بر حال تصور
اولونمازدی؛ اودرجه ده كه بونك تخیلی بیله اونده قورقونیم برفلاكتك دهشتلرینی
اویانیدردی. ایشته شمدی ده اونی بو حالیه کورمکەن تیتە یور و کویا دها زیاده
تعمیق ایدەرسە بومدهش حقیقته بردن واقف اولمق قورقوسیه اوکا دیگر بر -
سؤال ایرادینه جسارت ایدە میوردی. بونکله برابر انسانلرده، قلبلرنده بر -
رعشه اشتباه اویانیدره بیلن هر بر حادثیه قارشى كتمی غیر قابل بر میل تجسسیه
اونك اعماق قلبینه نفوذ ایتك احتیاجی؛ بو احتمالاتك اوزرینه صانكه سیاه
بریره چكرك اونلری برمدت ایچون اخفا ایتش اولدی، ونهائیت بو آرزویه
بوسبوتون مغلوب اولارق:

— خایر، دیدی. شبهه ایتیم-ورم. فقط بر قاچ کوندن بری سنی پك
دورغون، پك متأثر کوریورم. یوقسه خسته میسك! ...

کنج قادین کندیسنی چیلدیره سی سه وهن زوچنك بو حیممی نوازشلرینه
قارشى بوسبوتون لاقید قالمقدن اوتانه رق حرکتی مغدور کوسترمش اولمق ایچون:
— اوت، دیدی. وجودمده بر آرز قیرغیلق وار ...

صوکر اونك برجای سودا ایله طوتوشان آلرینی، آووجلرینك ایچنده
صیقارق باشی دلیقانلینك سینهنه دایادی. ویاغین برنگاه سحر ایله کوزلرینی
اونك کوزلرینك ایچنه دیکرك علاوه ایتدی:

— محبتدن شبهه ایدیورسك دكلی؟ .. اوت انكار ایتد، باق کوزلرك ده
شهادت ایدیوركه بكا بر تورلو اینانه میورسك. فقط أمين اول و داد سنی
سه ویورم ...

بوجله نك اونك اوزرنده حاصل ایتدیكى تأثیری اكلامق ایچون کوزلرینی
اوندن آیر میوردی. صوکر اونده دها جدی بر تأثیر اویانیدرمق ایچون دوام
ایتدی:

— اوت، دیدی. شبهه ایتمكد حقتك وار،، چونكه سكا پك چوق وفامزلاق
ایتدم .. فقط مادامكه شمدی سه ویورم؛ بنی حالا عفو ایتمه جکسیك! ...
مابعدی وار جمیل سلیمانیه